

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

KATCHINIKGIPARANGKO U·IANI

1 Raja. 22:1-40

GOLPO...



A hab, Israelni mangnamgijagipa raja, Syriarargoniko Ramoth-gileadni jilako ra-sektaina skaha. Indiba ua dakchakgipako nangachim, indake ua Judani namgipa Raja Jehoshaphatko uamangni bobilni kosako dakgrikna unbaksa bakrimchina sing-aha. Ua Ahab baksa dakgrikano bakrimna namnika, indiba skanggipa uamang Isolni ku-pattianiko am-chengna nanggen ine Jehoshaphat aganaha.

Songsarekni isol Baalko olakkina ine batanggimin bilsirango Ahab Jihovako watgalahachim, indake ua raja sakgnini mikkangona re-bachina sak 400 katchinikgiparango okamataha. Dakmikan baksa, ia tol-gipa katchinikgiparang “Re-ange Syriarang baksa dakgrikebo, aro na-an chegipa ong-gen!” ine aganaha. Indiba Jehoshaphat Raja Jihovani kakketgipa katchinikgipaoniko knana mol-molaha. Jihovani katchinikgipa saks dongengkua jeni bimungan Mikaia ong-a ine Ahab aganaha, indiba ua agandapkuaha, “Anga uko mitchia; maina ua angni gimin namako katchinike aganja, namgijakosa agana.” Pod 8.

Jehoshaphatni mol-molanichi, Ahab gisiko sibbregija dake Mikaiako rimbachina nokkol saksako watataha.

Ka-dongbegipa katchinikgipa re-baaha aro jinmani namen namnikgijagipako agansamsoaniko dakaha. Ua Ahabna aganaha je ua Syria baksa dakgrikano sigen. Da-ode Ahab rakbegipa basee ra-aniko chagrongaha. Namarangko agangipa sak 400 katchinikgiparango ua bebera-boma, ma Jihovani saks mangmanggipa katchinikgipako?

Skatang dakaigipa Ahab Raja, Jehoshaphatko katchinikgipa Mikaiani mikrakatanirangko dal-e ra-jachina aro unbaksa dakgrikano bakrimchina mol-molachi namnikataha. Chu-gimik dakgrikani gandingko gananichi aro dakgrikano mikkango re-aniko gelanichi Jihovako chena amaigen ine ua chanchiaha. Indiba Ahab, Isolni Kattaoni na-a joke katna gita man-jawa ingipako skie ra-na ja-manchakaha. Dakgrikano, mangsonge goatgijagipa bra ge-sa balwa gita bilbae Ahabni dakgrikani ganani biritchuo nangeaha, aro ua uni rot gario an-chi pake siaha.

Bon-kaman salrango bang-a tol-e katchinikgiparang ong-katgen ine Jisu mikrakataniko on-a (Mati 24:11). Uni gimin an-ching tol-gipaoniko kakketgipako dingtanggrikatna changgiparang ong-na nanggen. Ian janggi tangani ba siani biding ong-naba donga!



PORAANI

Satroni podko poraie bangbangrango gapatbo.

1. Jihova sana An-tangni bon-kamgipa miksonganirango parape-aha?

Amos 3:7 *Beben Gitel Jihova, Ua An-tangni nokkol _____ An-tangni ning-tua mangsonganiko parakgijade mamungkoba dakjawa.*

2. Bon-kaman salrango kakketgipa aro tol-a katchinikgipa dolgnian donggenma?

Mati 24:11 *Aro katchinika _____ bang-en ong-katgen, aro bang-ako brangatgen.*

Watatarang 2:17 *Aro Isol aganaha, Chong-kaman salo indake ong-gen, Anga pilak be-enni kosako _____ Gisikoniko rudapgen aro na-simangni _____ aro na-simangni _____ katchinike agangen.*

U-IE RA-ANI: Oe, kakketgipa aro tol-a katchinikgipa dolgnian bon-kaman somoio donggen. Sastro indakeba skia je katchinikgiparang me-asa ba me-chikba ong-aigen.

3. Sastroo maidagkipa tol-a katchinikgiparangko dingtangmancha jegalaniko daka?

A. “Katchinika dakgipa.” Deuteronomy 18:10.

B. “Jarigipa.” Deuteronomy 18:10.

C. “Sima nigipa.” Deuteronomy 18:10.

D. “Nie u-ia dakgipa.” Deuteronomy 18:10.

E. “Mikmalatgipa.” Deuteronomy 18:11.

F. “Me-mang muni pigipa.” Deuteronomy 18:11.

G. “Montol dakgipa.” Deuteronomy 18:11.

H. “Katchi man-gipa.” Deuteronomy 18:11.

U-IE RA-ANI: Deuteronomy 18:9-12 o indake agana je uarang pilakan Jihovana “mitchiani” ong-a. Uni gimin, Kristianrang uarang baksa mamung bakrimani dongna nangja.

4. Isolni bon·kamangipa somoini mondolio katchinikanirang donggenma?

Parape-a 12:17 *Aro ua dragon ua me-chikko ka-onangbeaba, aro Isolni ge-etaniko rakkigipa, aro _____ gnanggipa, uni dongpitigipa bitchrirang baksa dakgrikna re-angaha.*

Parape-a 19:10 *Anga nang-ni, aro Jisuni sakki gnanggipa nang-ni jongadarangni, nokolska ong-gipa; Isolko olakkibo; maina Jisuni sakkia _____ ong-a.*

U·IE RA·ANI: An-chingni Lesson 16 o skie ra-ani gita, Isolni bon-kamgipa somoini dongpitigipa mondoliode “Jisuni sakki” gnang, jean “katchinike aganani gisik” ong-a. Parape-a 19:10 aro 22:9 ko tosusae, an-ching nikna gita man-a, Johanni “jongadarangko” sa-gre indake talata je “katchinikgiparang” aro “ia ki-tapni kattarangko rakkigiparang” gita chacha uamango katchinike aganani gisik donga. 1 Korinthirangna 1:5-8 o, Paul indake sea je Jisuni gnigipa re-baona kingking mondoli “Kristoni sakki” donggen aro “mamung ka-sae on-anio sokgija ong-jawa.” Uni gimin Isolni bon-kaman-salni mondolioba katchinike aganani gisik dongkugen.

5. Kakketgipa katchinikgipana maidakgipa cholrangchi Isolara agana?

Chanani 12:6, 8 *Na-simangni gisepo katchinikgipa dongode, _____ Anga Jihova una An-tangko u-iatgen, _____ Anga una agangen Un baksa Anga agangrikgen, parake.*

Zekaria 4:1 *Aro angmung agangrikgipa _____ re-bataie, mandeko tusiaoni demesaa gita, angko demesaaha.*

U·IE RA·ANI: Jihova Uni katchinikgiparang baksa nikanio, jumango, mikkang parake, aro sa-grechi agangrika. Grikjangiang dakgipa bo-romgiparang, jakpa nianirang, cha bijakko poraianirang, aski nianirang, aro sigimin baksa agangrikanirangde Isolni katchinikgiparang baksa agangrikni bewalrang ba cholrang ong-ja.

6. Aiao inmangipa kamrangara kakketgipa katchinikgipani sakki ong-chongmotama?

Parape-a 16:14 *Maina uarangan chinrangko dakgipa _____ gisikrang ong-a; ... a-gilsak gimikni rajarangona ong-katanggiparang.*

U·IE RA·ANI: Ong-ja, aiao inmangipa kamrangde sakoba chong-motgipa katchinikgipa ine mesokgipa ong-ja. Uarang mingsa mangmangkosan mesokaigipa ong-a – ong-ronggijagipa bil. Indiba ong-ronggijagipa bilde Isoloni ba ong-jaode Satanoni re-bana man-a. Uni giminsa Gitel an-chingna agana: “Pilak gisikko bebera-nabe, indiba gisikrangko namedake nibo, uarang Isoloni ong-ama ong-ja; maina bang-a katchinika dakgiparang a-gilsakona ong-kataha.” 1 Johan 4:1.

LESSON 22

7. Katchinikgipako mongsongbatgipa nangchongmotgipa porika ka-e nianiara maia?

Isaia 8:20 _____ aro _____ hai! ia katta gita uamang aganjaode, bebe uamangna mamung seng-baa dongja.

U-IE RA-ANI: “Niam aro sakkian” Niam Git Chamni “Sastroni” palo mesokgipa ong-achim. Minggipin dake aganode, saoba an-tangko Isoloni katchinikgipa ine agangipaoni nama katta ong-genchimode uko Sastro baksa tosusana nanga. An-ching katchinikgipako Sastrochi porika ka-e nina nanga, Sastroko katchinikgipachi ong-ja. Isolni je chong-motgipa katchinikgipade pangnan 100 percent Sastro baksa meligen. Ian chong-motgipa porika ka-e niani ong-a.

8. Katchinikgipako gnigipa porika ka-e nianiara maia?

1 Johan 4:2 *Iachin na-simang Isolni Gisikko u-ia; _____*
_____ be-eno re-baaha ine ku-rachakgipa pilak Isoloni ong-a.

U-IE RA-ANI: Isolni katchinikgipade Jisu Kristoni gimin bebeko u-ie rachakgipa aro skigipa ong-na nanggen – je Uan mandeni bimango Isol ong-a. Chong-motgipa katchinikgiparangde Jisuko de-dogipaba ong-na nanggen, an-tantangko ong-ja. Bang-bata tol-a katchinikgiparangan Isolni Kattao gisik on-aoniko ra-gale gale an-tangni chanchichipanirango dons kana jotton ka-a.

9. Katchinikgipako gittamgipa porika ka-e nianiara maia?

Mati 7:16 *Na-simang uamangni _____ uamangko u-igen.*

U-IE RA-ANI: Iani miksonganiara katchinikgiparang chu-soksranggipa ong-gen ine ong-ja. Isolni katchinikgiparango pangnan chu-sokgijanirang donga. Indiomangba, chong-motgipa katchinikgiparangi je skianirango aro janggi tanganirango kimkimani gnang.

10. Katchinikgipako brigipa porika ka-e nianiara maia?

Jeremia 28:9 *Ua katchinikgipani katta _____ Jihova uko*
watatbebeaha ine ua katchinikgipako u-igen.

U-IE RA-ANI: Chong-motgipa katchinikgipade tol-e agansoanirango dakjawa. Katchinikgipa Isoloni ong-genchimode, uni agansoanirang chu-sokgipa ong-gen. Indiomangba, agansoani chu-sokani mangmangde mandeko chong-motgipa katchinikgipa ong-atja. Deuteronomy 13:1-3 o mikrakataniko on-a je tol-a katchinikgiparanga agansoani chu-sokgipa chinko on-na man-a aro gipin isolrangko ja-rikchina gita manderangko dilangna uamangni bilko jakkala. Chong-motgipa katchinikgipade Sastroni gita Isolko olakkichina manderangko dilanggipa ong-na nanggen.

11. Katchinikgipani bidingo maia minggittamrangko Paul ge-etaha?

1 Thessalonikarangna 5:20, 21 *Katchinike aganarangko _____;*
indiba pilakkon _____; namako _____.

U-IE RA-ANI: Katchinike agananirangko an-ching chonnikna, ba jegalna nangja ine Paul agana. Uni palo, an-ching katchinikgipani kattarangko Sastrochi porika ka-e nina nanga aro maia nama aro kakket uko ja-rikna nanga.

12. Jensalo an-ching kakketgipa katchinikgipani kattarangko jegalon sani ku-pattianiko an-chingara jegala?

Luk 7:28-30 *Johanna batgipa saksaba gri; ... Aro pilak manderang aro kajina gilgiparang knae, ... Isolko toromi ine ina. Indiba Pharisirang aro niamko u-igiparang ... an-tangtangna _____ galaha.*

U-IE RA-ANI: Jensalo an-ching chong-motgipa katchinikgipani kattarangko jegalon, Isolni ku-pattianiko an-ching jegala. Ning-tue chanchina nangani! Isolni katchinikgiparangko knachakchina Sastro an-chingna agana aro chong-motgipa katchinikgipani ku-pattianiko ja-rikgiparang chu-sokrorogen ine ku-rachakaniko daka.

2 Serikani 20:20 *Isol Jihovao ka-dongbo, unon na-simang mangrakatako man-gen; uni katchinikgiparango ka-dongbo, unon na-simang chu-sokgen.*

NANG-NI AGANCHAKANI

Nang-na Isol katchinikgiparangchi agankuenga ong-genchimode, aro chong-motgipa katchinikgipani kattarangara paltangni "Jisuni sakkii" ong-genchimode, na-ara ia chasongni katchinikgiparango Sastrochi porika ka-e nina aro Sastro baksa meligiparangni ku-pattianiko ja-rikna skengama?

AGANCHAKANI: _____

PORAIDAPANI

Ia bak poraidapaniko dakna u-iatdapaniko on-a.

Chasong-Gitalni Katchinikgipa

1844 bilsini December jao, dolsa Methodist dambe me-chikrang Portland, Maine-o Isolo bi-anio ja-sku dem-engachim, je somoion Ellen Harmon – bilsil 17 ong-gipa me-chik bi-sa be-en an-seng baljokanio bilgribeengachim – uni skanggipa mikjumang nikaniko nikaha. Jensalo Ellen (jean chadambe dandike on-gipa James Whiteko bia ka-ani ja-mano Ellen White ong-ahachim) Isolni je una parape-giminko nangrimatahaon, ua mikjumangrangko aro jumangrangko bilsil 70 mangna nikanguaha – 1915 bilsio uni siaona kingking.

Sastroni gita katchinikgipana kakket ong-a gita, uni mikjumang nikani somoirango adita nikna man-gipa ong-ronggijagipa a-selrang Ellen White baksa ong-aha. Daniel katchinikgipa gita, mikjumangko nikmitingo ua rang-sitjachim aro a-bachengo be-enni bil dongrongjachim (Daniel 10:8, 17). Uni mikjumang nikanirangoni mitamrang konta brimangna ru-utachim, indiba ua nikmiting somoi gimikan rang-sitjachim. Doctorrang jemangan uni mikjumang nikmitingo porika ka-e niachim ia obostako kakket ong-a ine sakki on-aha.

Badiaba somoirangode, ong-ronggijagipa bilko una on-achim (Daniel 10:18, 19). Ellenni jria 95 poundransan ong-genchimoba, 17-pound ong-gipa nokdangni Sastroko uni jaksamsachi minit 30na mikjumang nikmitingo uni de-doaniko sakkiko on-giparang nikaha. Ia a-selrang aro gipin nikna man-gipa obostarang katchinikgipani chagrongani gimin uano maiba ong-gijanirang donga ine mesoka. Indiomangba, ua katchinikgipara Isoloni ma Satanoni uko uarang an-chingna aganja. Jensalo katchinikani gisikko man-gipa baksa ong-ronggijagipa obostarang donga ine aganahaon, Kristianrang ua agananirangara kakketan ong-ama uko nina gita Sastrochi porika ka-e nina nanga.

Mingbri Sastroni gita Porika ka-e Nianirangko Dake Nianirang

Chong-motgipa katchinikgipako Sastroni gita mingbri porika ka-e nianirang Ellen Whiteni janggi tangani aro Isolna dangdike on-anio apsan ong-ama ong-ja, hai an-ching damsan nikangna.

Skanggipa Porika Ka-e Niani – Sastro Baksa Melia

Ellen Whiteni ki-tapranoniko jekoba kingsa poraie nibo, ua kimkime nang-ko Sastroona dila aro Sastro baksa chu-soksrange melia ine na-a nikna man-gen. Indioba, ua uni seanirangko Sastrona on-dapani ine aganja. Uarangni miksonganiana Isolni manderangko Sastrona gisik on-china okamana aro Sastrosan mangmang bebe ra-ani ja-pang ong-a ine uamangko rimbapilna ong-achim. Sastrosan mangmang bebera-aniko sason ka-gipa ine Ellen Whiteni gisiko nange parakaniko niate nibo: “Chingni somoiode uano uamangni skianirang aro niamrangoni apale dingtangrikani donga, aro uano dal-begipa Protestantni bebe ong-aniona re-bapilaniko dakna nangani donga chong-motan Sastro, aro Sastrosan mangmang bebera-aniko aro dakgni kamko sason ka-gipa ong-a.”¹

Ua indakeba seaha: “Segimin sakki on-anirang gitalgipa seng-aniko on-na ong-ja, indiba parape-giminbebe ong-anirangko ka-tongo rongtalbee gisiko nangatnasa ong-a. Mandeni Isolna aro an-tangni mandeskana dakgni kamko Isolni kattao dingtangmancha rongtalbeen mesokaha; indioba na-simangoni bang-gijasan on-gimin seng-anina bamaha. Nangdapgipa bebe ong-aniko ra-ongkatdapjaha; indiba Isol Sakki On-anirangchi on-gimin dal-begipa bebe ong-anirangko altubate u-iataniko dakaha aro An-tangni namnikani gita uarangko manderangni mikkangona uamangko mikrakatana aro gisiko nangatbatna uarangko ra-baaha, jedakode darangba pa-sika gri watchangalaniko man-jawa.”²

Ellen White talataniko dakaha je uni seanirangko Sastroni bak ong-a ine mamungsaloba ra-jachina gita aganahaoba uarang gisikchi dilako man-e segipa kattarang ong-a. Bang-a Isolni dal-gipa katchinikgiparang jedake Eliza, Elisha, aro Johan Napbolatgipa, uamang gisikchi dilako man-oba Sastroni ki-taprangko sejaha. Ellen Whiteni seanirangko dal-gipa seng-ani chong-motan Sastrona dilgipa komikalgipa seng-ani ong-a ine talatskaaniko dakna man-gen. Uarang Sastroni gimin gisikchi dilako man-e talatani kamko ka-skaa, indiba Sastroan dal-batgipa bil nganggipa ong-kuenga.

Gnigipa Porika Ka-e Niani – Jisuni Gimin Kakketko Skia

Ellen Whiteni ki-taprang jedake *Chasongrangni Ma-ringani, Kristoni Toe Skianirang, Kristoona Ja-kurang, aro A-brio Pattianirangoniko Skie Ra-anirang (Thoughts from the Mount of Blessing)* ia pilakan uko porika ra-e chu-sokgimin ine sakkiko on-aha. Ua ia seanirango an-tangni gimin mamungko aganjaha indiba Jisukosan sakgipinrangna mesokjringaha.

Gittanggipa Porika Ka-e Niani – Isolni Namnikgni gita Janggi Tanga

Ellen Whiteni sion, songbad segiparang indine aganaha: “Mrs. Whiteni janggi tanganian pilakni ja-rikna kragipa gamchatgipa dakmesokani ong-aha. ... Ua sontolgipa, aro Kristona an-tangko on-kanggipa sninggipa ong-achim, aro pilakchin namgniko dakgipa ong-aha. ... Mandeni jatko de-dona aro namgnina an-tangna chanchigija kamko ka-na on-kanggipa namgipa me-chikma ine ua pilakni mandera-aniko aro de-mitelaniko man-aha. Uni sianian sakgipin mingsinggipatorom dilgipako ong-katatna dakachakaha aro je mandean sotsku bilsirangna ong-nasipile nama kamrang, ka-saani kattarang, aro pilak mandeni jatna gisiko nange bi-anirangan gapaha.”³

Brigipa Porika Ka-e Niani – Katchinike Agananirangni Kakket Ong-ani

Mikkangchini gimin Ellen Whitechi agansogipa adita katchinike agananirang kakket bebe ong-a ine nikna man-aha. Ia pringni songbad seanio ong-gni obostarangko indake poraina man-aha, indiba da-ororo pilak rokom songre songbatani cholrangko man-a skangan sesoahachim. “Rail garichi a-sel ong-anirang batrogen; dal-gipa songre songbataniko dakanio mamungba mikratsoa gri jajaani, ge-sa ge-gipin baksa nangtinggrikani, aro siani ong-gen.”⁴

Ellen White tamaku ringaniara ka-tongni ka-soprangna namgni donga ine aganani somoio dongaha. Dingtang dingtang sana bananirangni gimin aganani dongaha, indiba chong-motgipa scienceni gita sakki on-anikode man-jaha. Cha-ani ringani gimin scienceni gita u-iani dongjachim. Indioba iani gimin, Ellen White an-seng baljokani aro be-en namgni ong-gipa ki-taprangko seaha. Dr. Clive McCay, Cornell University cha-a ringani gimin gitcam skigipa indine aganaha: “Beben Mrs. Whiteni kamrang da-ororo man-gipa cha-anirang re-bana skangan ki-taprangko seaha, da-alo iana bate nambata pilak gita re-dilgipa dongkuja.”⁵

LESSON 22

Sastro indake agansoaniko dakaha je bon-kamni salrango katchinike on·ani re-bagen. Sakkirangchi parakaniko dakaha je Ellen White chong-motgipa katchinikgipa ong·a ine Sastroni gita porika ra-anirango chu-sokaha. Chinga mitam uni seanirango man·na aro poraichina nang·ko didia aro Sastroni gita ge-etaniko ja-rikchina ku-pattianiko daka “Katchinike aganarangko chonniknabe; indiba pilakon nie u-ibo; namako rakkibo.” 1 Thessalonikarangna 5:20, 21.

¹ *The Great Controversy* (Mountain View, CA: Pacific Press, 1950), p. 204, 205.

² *Testimonies for the Church* (Mountain View, CA: Pacific Press, 1949), Vol. 2, p. 605.

³ *Star* (St. Helena, California), July 23, 1915.

⁴ *Messages to Young People* (Washington, DC: Review and Herald, 1930), p. 90 (reprinted from article in *The Signs of the Times*, April 21, 1890).

⁵ Clive M. McCay, “A Nutritional Authority Discusses Mrs. E.G. White,” *Review and Herald*, February 26, 1959, p. 10.